

佛说俱利伽罗大龙胜外道伏陀罗尼经 1 卷

No. 1206

佛说俱利伽罗大龙胜外道伏陀罗尼经

如是我闻。一时佛在王舍大城。尔时宝幢陀罗尼菩萨白佛言。俱利伽罗大龙。以何因缘吞饮利剑。及以四足被绕。佛告宝幢陀罗尼菩萨言。昔色究竟天魔酰首罗知胜城。无动明王与外道论。共致种种神变成智。时无动明王变成智火之剑。时有九十五种外道。其首人名智达。又成智火剑。时无动明王智火大剑。变成俱利伽罗大龙有四支。降三世军陀利琰魔都伽金刚夜叉等四大明王也。颈王有莲名智火含字俱利伽罗。高十万由旬也。从口出气如二万亿雷一时鸣。闻之外道魔王舍恶疑邪执。佛说陀罗尼曰。

曩谟悉底(二合)悉底(二合)苏悉底(下同)悉底伽罗罗耶俱琰参摩摩悉利(二合)阿阁么悉底娑婆呵

此呪威力除一切不详降伏诸魔王。若有人灵气恼。书姓名。以此呪诵三七遍。灵鬼忽然之闲得焚烧。断五辛酒肉。不染妇女秽执。一心诵此呪。一切所求决定得圆满。不时树令开花。四海成山妙高山王成海。此呪威力此呪功德也。焚冰如油凹心树如水。一切皆随心。犹如跋伽梵。故重说偈曰。

奉仕修行者	犹如跋伽梵
得三摩地上	与菩萨同位
俱利伽罗龙	称念彼名字
现除怖魔障	后生安乐国

佛说此经。一切恶魔王九十五种大龙王。大欢喜信受奉行。

俱利伽罗龙王陀罗尼经(终)

【经文信息】大正藏第 21 册 No. 1206 佛说俱利伽罗大龙胜外道伏陀罗尼经

【版本记录】CBETA 电子佛典 Rev. 1.6 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，北美某大德提供

【其他事项】本数据库可自由免费流通，详细内容请参阅【[中华电子佛典协会数据库版权宣告](#)】
